

歸順直隸州志

續通志卷一百一十五

歸順直隸州志卷六

藝文志

各體詩

雜體文

漢書藝文志隋書經籍志所載皆著書人姓氏與所著書名
卷帙著錄而已非載其詞章也今州志亦襲名藝文志其實
不合乎古之所謂藝文者然吾謂勿庸泥也窮邊荒陋難語
著書第宦遊來此者以風雅偶一提倡而青衿譽髦輒相與
擊鼓舞一洩山川之靈秀焉則少鶴育堂導源之功爲不
可沒已

照陽關

前鎮安府知府趙

翼

江蘇隰湖人

危崖如削鐵橫列截前路間道無可尋陡壁孰能赴地絕天

爲通神局在雲霧初時貿貿行心疑僕夫誤黑箐叢篁間綫
道屢盤互攀躋過木杪始見洞穴露其深三四丈其廣十餘
步恰從靳絕處橫穿一罅度圓若城關門兩頭俯煙樹地迴
去天近日出光早昀關名日照陽應補酈生注外達交趾國
內連邕管成雖似入甕行不比由賓汙設無此摩豁萬古瘴
嵐銅時清消警備不藉儲胥護重閉念勇夫詩成仍卻顧
自下雷土州至雲南開化府凡與交趾連界處八百里
皆大箐望之如海作歌紀之

洪荒距今幾萬載人間尙有草昧在我行遠到交趾邊放眼
忽驚看樹海山深谷邃無田疇人煙斷絕林木稠禹刊益焚

所不到騰作叢菁森遐陬託根石罅瘠且鈍十年猶難長一
寸徑皆盈丈高百尋此功豈可歲月論始知生自盤古初漢
柏秦松猶覺嫩支離夭矯非一形爾雅箋疏無其名肩排枝
不俯挺出株株擠作長身撐大都瘦硬幹如鐵斧劈不入其
聲鏗蒼髯蝟磔烈霜殺老鱗虬蛻雄雷轟五層之樓七層塔
但得半截堪爲楹惜哉路險運難出僅與杜櫟同全生亦有
年深自枯死白骨僵立將成精文梓爲牛楓變叟空山白晝
百怪驚綠蔭連天密無縫那辨喬峯與深洞但見高低千百
層併作一片碧雲凍有時風撼萬葉翻恍惚諸山爪甲動我
行萬里半天下中原尺地皆耕稼到此奇觀得未曾榆塞鄧

良川下集少元
林詎足亞鄧尉香雪黃山雲猶以海名巧相借况茲蒼翳徑
千里何啻澎湃重溟瀾怒籟吼作崩濤鳴濃翠湧成碧浪駕
忽移渤澥到山巔此事直教堯衍詫乘籃便抵泛舟行支筇
略比刺篙射歸田他日得雄誇說與吳儂望洋怕

土俗詩

見日當須到已牌瘴深侵曉總陰霾城中屋少惟官廨牆上
山多逼郡齋俗有鬼神蠶放蠱夜無盜賊虎巡街所欣民意
安吾拙相愛渾如鳥入懷

土歌

合三二月墟場好蠻女紅妝趁墟翩長裙闊袖結束新不睹

司鞵三寸小誰家年少來唱歌不必與儂是中表但看郎面
似桃花郎唱儂酬歌不了一聲聲帶柔情流輕如游絲向空
曼曼時被風忽吹斷曳過前山又嫋嫋可憐歌闌臉波橫與
郎相約月華皎曲調多言紅豆思風光罕賦青梅標世間真
有無礙禪似入華胥夢縹緲始知禮法本後起懷葛之民固
未曉君不見雙雙粉蝶作對飛也無媒妁訂蘿薦

土風詩

宜轍經年到郵籤萬里修地當中國盡與安南接壤官改土司流

明時土府岑姓本朝始改流峻坂愁雲棧路從蓮花九更而入最險仄孤城仿月鉤城惟

東南西三面北則依山近邊多候吏按部半番酋所屬有四土司密籌千尋木

歸順軍隸州志

卷之七

寒泉百丈湫泉自鑿隘山穴中出性極寒四時無落葉一雨或披裘瘴要

湊胸碗中瘴則胸膈飽悶妖曾紀肉毬相傳府衙有肉毬肉腳之異深宵蟬蠱放

白畫虎偃遊魑客從人顧狙公作盜偷蠻方天混沌猺語鳥

鉤輶儂姓還豪族韋家說故俠地多儂韋二姓儂則智高之後韋則相傳淮陰侯少子去

韓之中以韋為姓者也點脣檳汁染約臂釧紉鉸跳月墟爭趁娶春俗

善謳儂皮齊贅易握算賈胡留粵東賈此者多娶婦立家村婦無弓足山

農總帕頭性愚供使鹿見小重多牛籬壁穿多穴貧民編樁作牆塗泥

欄房隔作樓欄房上層人所居下層畜牛馬燒畚灰和土接水木剝溝龍采

藍盈舄民皆采藍自染無染匠也禾收穗滿簞摘穗成把不刈藁桔箸包鹽有滷菹

膏菜成油以諸菜及牛羊骨實甕中久則爛成汁謂之甯菜酸臭特甚土人以爲美品犬肉多於

豕墟場賣犬檀薪賤似槽山木供爨雖鷓鴣羹味薦蛤蚧藥

材收獾膽從蹄剔石羊膽以在蹄心者豬豪激矢抽野豬豪

山羊因血捕水獺為皮搜石斛花論價出奉枕榔麪可洩出

雷竹根人面活向武有竹其根似人面藤杖女腰柔大箐中多萬年藤可以作杖物

產真驚見民情易給求挂魚官閣肅羅雀訟庭幽閑倚半山

間時乘獨木舟虞衡稽桂海草木訂春秋詩已傳邕管官非

調柳州勉修循吏績撫字輯遐陬

示州父老並引知州李憲喬山東高密人

庚戌歲鶴生權歸順州刺史軍興之餘加以官吏剝

削勞民極矣方擬卹傷懲弊去其太甚而父老已爭

爲傳述揆諸本懷百未一施徒增慙汗耳因書此示之且以自儆焉

若上置羣吏本以爲爾民豈爲奴隸輩腴爾厚民生不知當事者何以冥此情前因外番亂近防要出兵 廟謨在不戰民困實所矜輓輸已屢歲十室九不贏謂此當撫卹而反暴其徵僕隸專指揮衆心那得平我來承其乏又目擊此形無能救彫瘵中夜心忤忤召集諸父老積弊爲我明敢云即盡蠲庶使漸已輕長謝奴與隸不能爲君營稍待民氣復吾志當得行勤勤諸父老告報喜且驚譬疾未得藥遽有良醫名我聞實內愧亦可感爾誠何以相究竟勿自負吾盟

遊太極洞

太虛既無閼此洞亦無始我來誰與徒獨攜無言子羣山若
初曙澄淨括餘滓甯知日正中清光破積晦危坐向深處兼
收聽與視平生事挾篋亡羊不勝悔因感此州民蕊茹何時
啟不合日一鑿致使混沌死

遊濱山寺

躡雲根挾石髓採靈藥清空裏玉虬牙丹鷲嘴天瓠瓜琪蘂
藥服一片壽千禩餘落者救荒歲

彭澍漢先生贊

此洞何有此翁闢之豁然中徹下覺墨屎嗚呼先生此洞之

希夷

禱雨有應謝神餒祭與州中耆宿文士用柏梁體賦詩

李子重來炎瘴疆時不雨若愁多賜率州祈禱莫敢違刺史李少

鶴誠心感格達彼蒼致仕訓導李挺生月離于畢舞商羊思貢李萬

類昭蘇神氣揚增生李齊倫邊索甯靖鎖強梁廩生曾傳敬馴雉入獻

來越裳歲貢李彥不為繭絲為保障附生黃正遠懷保自足致又康

附生黃豐雲秋禾方秀遭亢陽附生曾克勤行恐嘉種成秕穰附生馮時彥

心憂農病走羣望附生梁承章龍潭忽涌波汪洋附生梁大文一時滂

沱徧八荒附生布宣照慈君不忍焚巫尫附生袁思明神人感應豈尋

常武生胡鯤惟我夫子漢循良附生黃雲錦甘澍隨車稱嘉祥附生劉大智

裡虔報賽神所享

附生曾德容

羣氓爵躍卿雲翔

附生高標奇

多士魚

雅躋公堂

附生童葆元

頓忘龍鍾迫榆桑

武生彭綸

餒以四簋羅酒漿

附生盧明漢

善終如始典禮詳

附生陳盛業

奏雅鼓南化邊方

附生陳寅彬

一觴一詠巖桂傍

歲貢鄧應琮

正如坡公再莅杭

附生李齊芬

爭誇還

珠得孟嘗

武生劉奇正

走也早得侍門牆適以事牽後趨蹌喜雨

亭中樂未央起而為亂成此章何以裁之小子狂

優貢生童毓靈

懷遠樓燕集即事以三山半落青天外二水中分白鷺

洲分韻

鶴道人得三字

來客如箏柱彬彬恰十三樓頭鳴雁起忘卻在交南

唐詩十三箏柱

雁成行

梁秀才冲漢得山字

大筆凌南斗文成鎮遠關堪嗤班與竇銘在燕然山

李秀才誦南得半字

刻繪臣能爲氣與金石貫伫看碧落碑奕奕照天半

李明經祖能得落字

憑欄此閑立湛湛空碧落忽訝白雲飛上頭有仙鶴

曾首貢傳敬得青字

翻水四座涌照山雙眼青樓名不須易亦比有龍靈

劉秀才大志得天字

穹樓鬱造天初落其超然料得乘雲去還應近日邊

黃騎射生士揚得外字

遠鎮此洵州心迹白雲外結樓勝鄂渚雲與鶴俱在

高秀才標奇得二字

樓成本愛民民愛亦無二兒童拍手歌使君樓上醉

李耆年齊倫得水字

登高那危構環繞佳山水須知不日成後來誰有此

黃秀才雲繡得中字

坐來千嶂繞嘉會此樓中合屬坡公有無勞問太空

梁秀才大文得分字

笑談天上聞僊俗此間分不羨陶宏景山中多白雲

彭騎射生先綸得白字

秋雲散碧空月映綺疏白
伫看春風迴甘棠待召伯

傅寓公衛之得鷺字

笑我非越禽亦向南枝住
樓頭雅頌聲且得共振鷺

梁武略騎尉煒堂得洲字

豪吟聚此樓何異鳳麟洲
送鶴朝天去長空萬里秋

秋遊太極洞偶坐桂花樹下聞蟬

行踏空山落葉驚不須入洞已淒清
綠陰規定松無影疏露滴殘香有聲
老我酸吟八月樹牽誰咽碧五更情
崇阿既占

居高穩何尙蕭騷怨未平

從少鶴先生遊濱山

貢生

童毓靈

州城人

有鶴有鶴來海島蓬萊頂上拾瑤草有時飛到天西南靈藥
此間亦不少

九月同遊太極洞並送少鶴先生北上

渾沌闢兮太清渾沌鑿兮衆生鑿以七兮生自一又何太極
之不可名吾將遠遊兮崆峒有此洞兮近與迎但徙倚兮東
臯更眇盼兮西成感草木兮將衰振秋風兮泠泠留碩果兮
不食餐秋菊兮落英插茱萸兮滿鬢有美人兮將行將行兮
安適乘白雲兮上征心惻惻兮不言目眇眇兮天青時無往